

2004-imi isertunut anisunullu tabeli

Saqqummersitap massuma siunertaraa atuisut periarfississallugit, tunisassiorneq aallaavigalugu nuna tammerlugu naatsorsuutit inernerinik aammalu isertunut anisunullu tabelimik maanna naammassisanut atuisinnaanissaat.

Isertunut-anisunullu takussutissiaq

Isertunut anisunullu tabeli inuiaqatigiit tunisassioriaasiannik, aammalu nioqqutissanik sullissinernillu atuinernerannik peqqissaarussamik qaffasissusilimmik paasissutissanik immersugaavoq. Tabelimi takuneqarsinnaavoq inuussutissarsiorfiit ataasiakkaat nioqqutissanik sullissinernillu inuussutissarsiorfinnit allaniit pissarsisarnarat, aammalu nioqqutissanik sullissinernillu eqqussukkanik pissarsisarnarat. Tabelimi aammattaaq takuneqarsinnaapput atuiniviit, soorlu atuisartut atuineri aningaasaliinerillu, inuussutissarsiuqarfinniit ataasiakkaniit nioqqutissanillu eqqussuinikkut pissarsisarnarat.

Takussutissiami isertunut anisunullu tabelimik eqikkaanerit takusassiaapput. Tassani takuneqarsinnaavoq, 2004-mi tunisassiat anisut ataatsimut nalingat 22.637 mio. koruuniusoq. Taakkunannga nioqqutissiorneq 17.033 mio. koruuninik naleqarsimavoq, nioqqutissiallu akileraarutaat, tapiissutit ilanngaatigereerlugit, 279 mio. koruuniullutik. Tamakku saniatigut nioqqutissanik sullissinernillu eqqussuineq 5.325 mio. koruuninik naleqarsimavoq.

Isertuni takuneqarsinnaavoq tunisassiornerup ataatsimut nalingata atornerqarnera, tassa inuussutissarsiorfinni tunisassiornermi ilanngunnikkut aammalu atuinivinni qanoq agguataarnersoq.

Tamanna takuneqarsinnaavoq saqqummersitami *"Input-output tabel for 2004"*, Naatsorsueqqissaartarfiup nittartakkamini www.stat.gl -mi saqqummerseqqammi-gaani.

Takussutissiaq

2004-imi isertut anisunullu

Anisut	Mio. kr.	Isertut	Mio. kr.
Nioqqutissiorneq	17.033	Nioqqutissanik atuneq	8.080
Nioqqutissat akileraarutaat tapiissutit ilanngaatigeeerlugit	279	Inuit ataasiakkaat atuinerminni aningaasartuutaat	4.557
Nioqqutissanik sullissinernillu eqqussuineq	5.325	Pisortat atuinerminni aningaasartuutaat	5.076
		Aningaasaliinerit ilanngaasigaangitsut il.il.	1.881
		Toqqortat allannguutaat	(117)
		Nioqqutissanik sullissinernillu avammut tunisinerit	3.160
Anisut ataatsimut nalingat	22.637	Atuinerup ataatsimut nalinga	22.637

Saqqummersitamittaaq takuneqarsinaapput amerlisaatinik taaneqartartut, tassaasut isertunut anisunullu tabeli tunngavigalugu naatsorsugaasut. Amerlisaatit atorlugit naatsorsorneqartarpoq, atorfissaqartitsinerup toqqaannartumik toqqaannanngitsut-

millu sulisoqarnikkut aammalu nioqqutissanik sullissinernillu eqqusuinnermut sunniutaanik, atorfissaqartitsineq ataatsimik qaffakkaangat.

Pdf-fili **"Input-output tabel for 2004"** pdf-filitut aaneqarsinnaavoq Naatsorsueqqissaartarfiup nittartagaani www.stat.gl-mi imaluunniit Naatsorsueqqissaartarfimmut piniarneqarsinnaalluni.

E-mailikkut pisartagaqalerit Kisitsisinik nutaanik Naatsorsueqqissaartarfiup saqqummersitaanik tusartinneqartarumaguit uunga nutaarsiassaqqartinneqartalerit: Iserfigiuk www.stat.gl qinigassani saamerlermi toqqaruk "nutaarsiassat" tassanilu ilanngugit. Taava kisitsisinik nutaanik saqqummertoqaraangat e-mailikkut nalunaarfigineqartalissaatit.

Paasisaqarusunneruguit siunnersortimut Najaaraq Kreutzmann-mut nakr@stat.gl e-mailer-lutit imaluunniit tlf. 36 23 70-mut sianerlutit saaffiginnissinnaavutit.

Inussiarnersumik inuulluaqqusillunga

Najaaraq Kreutzmann
Naatsorsueqqissaarnermut siunnersorti